

KJKP "RAD" SARAJEVO, Paromlinska 57. (u daljem tekstu: "kupac"), koga zastupa direktorica Vera Arnautović, dipl. pravnik.

Broj rješenja: UF/I-889/01
Porezni broj: 01700105
Identifikacioni PDV broj: 200316890001
Transakcijski račun broj: 338-900-2208077649 UniCredit banka d.d. Sarajevo

i

Eurosan d.o.o Mostar, Bišće polje bb, Mostar (u daljem tekstu: "prodavac"), koga zastupa direktor Emir Ćorić.

Broj rješenja: 1-6598
Porezni broj: 227197420005
Identifikacioni PDV broj: 4227197420005
Transakcijski račun broj: 3381002200135107 UniCredit banka d.d. Sarajevo

zaključili su:

U G O V O R **o javnoj nabavci robe**

PREDMET UGOVORA

Član 1.

Predmet ovog Ugovora je isporuka samohodnog električnog usisivača za sakupljanje otpada na ulicama za potrebe KJKP "RAD" d.o.o. Sarajevo, prema ponudi broj: 03/01/20 od 28.01.2020 godine i Odluci o izboru najpovoljnijeg ponuđača broj: 05-03-04-2388/20 od 06.02.2020. godine.

CIJENA I NAČIN PLAĆANJA

Član 2.

Cijene robe iz člana 1. ovog ugovora su fiksne. Fakturisanje se vrši po cijenama Prodavca iskazanim u Obrascu za cijenu ponude broj: 03/01/20 od 28.01.2020. godine koja čini sastavni dio ovog Ugovora. Ukupna vrijednost ugovora iznosi: 29.914,42 KM bez uračunatog PDV-a, a isti će se obračunavati u skladu sa važećim propisima.

Prodavac će Kupcu fakturirati isporuku robe na osnovu dokumentacije o prijemu robe ovjerenu od strane ovlaštenog lica Kupca, a datum fakturisanja se smatra datumom nastanka dužničko-povjerilačkog odnosa.

Kupac svoje obaveze po fakturi Prodavca izmiruje u roku od 60 dana sa plaćanjem na transakcijski račun Prodavca.

ROK ISPORUKE

Član 3.

Rok isporuke robe iz člana 1. Ugovora je 30 dana od dana dostavljanja narudžbe u skladište Kupca po vrsti, količini i u roku.

GARANCIJA

Član 4.

Prodavac je obavezan dostaviti garanciju za dobro izvršenje posla u iznosu od 10% od vrijednosti ugovora, sa rokom važnosti koji je naveden u Tenderskoj dokumentaciji. Rok za dostavljanje garancije je 10 dana od dana potpisivanja Ugovora.

KVALITET I KVANTITET ISPORUKE

Član 5.

Roba iz člana 1. ovog ugovora je kvalitativno i kvantitativno primljena kada ovlašteno lice Kupca pismeno potvrdi prijem na otpremnom dokumentu.

Ukoliko se kod prijema utvrdi razlika u otpremnom dokumentu Prodavca i Kupca robe, sastavlja se zapisnik o manjku – višku, koji ovjeravaju Kupac i Prodavac.

ROK ISPORUKE

Član 6.

Ako se u slučaju više sile, potpuno ili djelimično spriječi izvršenje obaveza po ovom ugovoru, ugovorna strana kod koje je nastupila viša sila je obavezna da obavijesti drugu ugovornu stranu o odlaganju ili raskidu ugovornih obaveza u roku od 7 (sedam) dana od momenta nastanka više sile.

Član 7.

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi, s tim da otkazni rok ne može biti kraći od 30 dana.

UGOVORNE KAZNE

Član 8.

U slučaju kašnjenja u isporuci robe, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

ANTI KORUPCIJNA KLAUZULA

Član 9.

(1) Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

(2) Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja tako da bi time stekao, zadržao ili usmerio poslove ka naručiocu, zastupniku, distributeru, preduzeću ili drugom povezanom preduzeću.

(3) U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

UGOVORNE ZABRANE

Član 10.

Prodavac nema pravo zapošljavati, u svrhu provedbe ugovora o javnoj nabavi, fizičke ili pravne osobe koje su sudjelovale u pripremi tenderske dokumentacije ili su bile u svojstvu člana ili stručne osobe koju je angažirala komisija za nabavke najmanje šest mjeseci po zaključenju ugovora, odnosno od početka realizacije ugovora.

OSTALE ODREDBE

Član 11.

Ovaj Ugovor stupa na snagu kada ga potpišu obje ugovorne strane i traje do izvršenja obaveza.

Član 12.

Sve izmjene i dopune ovog Ugovora mogu se vršiti isključivo pismeno uz saglasnost ugovornih strana.

Član 13.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

Član 14.

Sastavni dio ovog Ugovora je Ponuda broj: 03/01/20 od 28.01.2020. godine.

Član 15.

Ugovorne strane su saglasne da se na druga pitanja koja nisu regulisana ovim Ugovorom, primjenjuju odredbe Zakona o obligacionim odnosima.

ZAVRŠNE ODREDBE

Član 16.

Ugovor je sačinjen u šest (6) istovjetnih primjerka, 4 (četiri) za Naručioca, a 2 (dva) za Isporučioca.

Ugovor stupa na snagu datumom obostranog potpisivanja.

Eurosan d.o.o. Mostar
Direktor

KJKP "RAD" d.o.o. Sarajevo
Direktorica

Emir Ćorić

Vera Arnautović, dipl. pravnik

SUPOTPISNIK UGOVORA
Izvršni direktor Pogon „Javna higijena“

Fahrudin Tinjak

Broj: 05-03-04-_____/20

Dana, 18.02.2020. godine